



**TOSHKENT DAVLAT YURIDIK UNIVERSITETI REKTORINING  
B U Y R U G‘ I**

---

25.04.2022 yil

91 um-son

**Toshkent davlat yuridik universiteti muassisligidagi  
jurnallarni raqamli obyekt identifikatorlari (DOI) bilan  
ta'minlash to'g'risida**

O'zbekiston Respublikasi Prezidentining 2020-yil 29-apreldagi "O'zbekiston Respublikasida yuridik ta'lim va fanni tubdan takomillashtirish bo'yicha qo'shimcha chora-tadbirlar to'g'risida"gi PF-5987-son Farmonining 2-bandiga asosan va Toshkent davlat yuridik universiteti kengashining 2020-yil 21-maydagi navbatdan tashqari majlis bayoni bilan tasdiqlangan Toshkent davlat yuridik universitetini 2030-yilgacha xalqaro tan olingan tashkilotlar reytinglaridagi eng yaxshi oliy ta'lim muassasalari ro'yxatiga kiritish, shuningdek uning milliy reytingdagi o'rnini yuksaltirish bo'yicha Kompleks chora-tadbirlar rejasi ijrosini ta'minlash, universitetning ilmiy jurnallarini xalqaro ilmiy-texnik ma'lumotlar bazasiga kiritish hamda professor-o'qituvchilar, doktorantlar, mustaqil izlanuvchilar va tadqiqotchilar uchun ilmiy ishlar natijalarini xalqaro miqyosda e'lon qilishga qo'shimcha imkoniyatlar yaratish maqsadida

**B U Y U R A M A N:**

1. CrossRef tashkiloti dunyo bo'ylab chop etiladigan jurnallardagi maqolalar, kitoblar, konferensiya materiallari, dissertatsiya va grant loyihalarini xalqaro platformalarga

joylashtirish imkonini beruvchi raqamli obyekt identifikatorlarini (DOI) beruvchi xalqaro DOI jamg'armasining to'g'ridan to'g'ri a'zosi hisoblanishi e'tiborga olinsin.

2. Tahririy-nashriyot bo'limi (O.Choriyev):

Xalqaro hamkorlik boshqarmasi bilan birgalikda universitet jurnallarini xalqaro platformalarga universitet nomidan kiritilishini ta'minlash uchun raqamli obyekt identifikatorlarini (DOI) beruvchi CrossRef tashkiloti bilan hamkorlik qilish imkoniyatlarini o'rgansin va 10 kunlik muddatda taklif kiritsin;

Yuridik byuro bilan birgalikda CrossRef tashkiloti bilan o'rnatilgan tartibda to'g'ridan to'g'ri shartnoma tuzish bo'yicha barcha tegishli chora-tadbirlarni amalga oshirsin;

universitet muassisligidagi jurnallar faoliyati yuritilishiga oid barcha tashkiliy va texnik ishlarni doimiy ravishda amalga oshirib borsin.

3. Buxgalteriya (M. Parpiyev) shartnoma bo'yicha to'lovlarni universitetning budjetdan tashqari mablag'lari hisobidan o'tkazilishini ta'minlasin.

4. Mazkur buyruq ijrosini nazorat qilish ilmiy ishlar va innovatsiyalar bo'yicha prorektor N.Salayev va moliya-iqtisod ishlari bo'yicha prorektor A.Iminovga yuklansin.

**Rektor**



**A.TASHKULOV**

Toshkent shahar

## **Kiritildi:**

Bo'lim boshlig'i

O.CHORIYEV



## **Kelishildi:**

Moliya-iqtisod ishlar bo'yicha  
prorektor

A.IMINOV



Katta yuriskonsult

E.XOSILOV



Bosh buxgalter

M.PARPIYEV



Ilmiy ishlar va innovatsiyalar bo'yicha  
prorektor

N.SALAYEV

